



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Disputatio Theologica. De modo Ligandi & Absolvendi  
Peccatores Consuetudinarios & Recidivos**

**Joachim <A Jesu-Maria>**

**Namurci, 1693**

**§. 1.**

**urn:nbn:de:hbz:466:1-39165**

ut loquitur August. ad pristinam beatitudinem rever-  
ti : nec Adamus illam unquam recuperavit , licet mi-  
sericordiam sit consecutus : Quarè licet peccatores  
sæpius per absolutionem recipiant peccatorum remi-  
ssionem : non tamen est illis ludus cadere in mortem,  
tùm quia non redeunt ad pristinum sanitatis gradum,  
tùm etiam quia manet magna pœna ab illis in Pur-  
gatorio luenda ; tùm denique quia dies mortis est in-  
certa.

## ARTICULUS III.

*Signa animi ad Absolutionem dispositi.*

## §. 1.

**I**NTER signa animi pœnitentis à Sanctis Patribus commendata , commune ac generale est humili & verecunda peccatorum declaratio seu Confessio. *Sicut enim in Baptismo* , ait D. Thom. Quod l. 6. art. 1. & in suppl. q. 9. art. 3. ad significandam interio-rem ablutionem assumitur illud elementum , cuius est maximus usus in abluendo , ita in actu Sacramenti Pœnitentiae ad manifestandum assumitur ille actus , quo consuevimus manifestare , scilicet proprium verbum : quia , ait , S. Aug. de Doct. Chr: l. 2. cap. 3. verba apud homines optinerunt principatum significandi qua- cumque animo concipiuntur , si ea prodire quisque velit. His maximum concordat S. Gregorius homil. 26. in Evang. dum ait quod nos debemus per pastoralem au-thoritatem absolvere , quos authorem nostrum cognos-cimus per suscitantem gratiam vivificare , quæ vivifi-catio ante operationem rectitudinis in ipsâ jam noicitur confessione peccati. Etl. 6. in I. Reg. cap. 15. Flerumq; instanti confessione agitur , ut confitentibus de cordis etiam conversione credatur Tunc enim cause pensan-de sunt , & tunc ligandi atque absolvendi potestas est exercenda : videndum est quæ culpa præcessit , aut quæ sit pœnitentia secuta post culpam , ut quos omnipotens

*Deus per compunctionis gratiam visitat, illos pastorales sententia absolvat.* Homil. 26. in Evang. præcipua autem pœnitentia quæ sequi debet ante absolutionem, est ipsissima contritio, ut docet Trident. & ipsemet Gregorius affirmat per hæc verba, *ut quos Deus per compunctionis gratiam visitat.* Ex quibus etiam patet S. Pontificem intelligere per confessionem peccati, etiam dispositionis declarationem: sicut & nos semper in Thesibus nostris expressimus. Perperam igitur ex mente Sancti Gregorii longa & dura pœnitentiae exercitia, quæ præscribunt adversarii ante absolutionem, eruuntur.

Prædictum generale animi pœnitentis signum alia sœpè solent comitari, inter quæ lacrymæ primum locum vendicarunt, *sicut est comes pœnitentia dolor, ita lacryma sunt testes doloris,* ait S. August. l. 50. homil. ar. homil. 50. quare Sanctus Carolus Borrom. titulo de modo imponendi pœnit. dicit, *Considerabit scil. Confessarius animum mentemque pœnitentis, ac fletum, gemitum, & lacrymas intimi doloris indices.* Nam lacryme veniam non postulant & merentur, causam non dicunt & misericordiam consequuntur. S. Ambros. Serm. 46. Quas etiam tantam vim reputat habere S. Avitus Viennensis Epis. epist. 4. ut non dubitaverit dicere, *cum videntur pœnitentes precibus & lacrymis veniam petere impium esse denegare.* Quo titulo quæso minister non ignoscit, dum ipse Deus ignoscit? viderint adversarii ne illis accidat, quod servò apud Evangelistam, cui multa remissa fuerant, & nihil omnino conservis volebat remittere. Quia vero non omnes sunt fletu faciles sicut mulierculæ, lacrymarum vicibus fungi possunt vultus tristitia, pectoris tonsio, ad pœnitentiam & remedia acceptanda & practicanda animi promptitudo, majores pœnitentiaz postulatio, &c.

C